



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Francisci Bellegambe è Societate Jesu Theologi,  
Enchiridion Theologo Practicum Tripartitum, De Ivbilæo  
Ecclesiastico**

**Bellegambe, François**

**Coloniæ Agrippinæ, 1700**

Sectio III. De Favoribus Anni Sancti.

**urn:nbn:de:hbz:466:1-42093**

V. Ante tales impediti à persicione  
do itinere, obtinerent non solum Indulgentiam Jubilæam, sed etiam alios  
favores, si qui sint in Anno Sancto ?  
Censet obtenturos Gobat n. 22. Quia  
Pontifex pronuntiat se cupere tali-  
bus favere, quantum potest; & facit eos  
Indulgentiae particeps perinde ac si ipsas  
Basilicas Romanas reipsâ visitassent. Sed  
de hoc Sect. seq.

## SECTIO III.

## DE FAVORIBUS ANNI JUBILÆI.

**Q**UÆST. I. Quid potissimum conferat  
Annus Jubilæus ?

RESP. Plenissimam omnium peccato-  
rum Indulgentiam, remissionem, ac ve-  
niam. De qua notat Gobat n. 12. ex  
Benzonio, quod ea reliquas Indul-  
gentias certitudine, efficacitate, am-  
plitudine, dignitate, fructu, superet,  
consideratâ videlicet cum suis causis,  
& effectibus accidentariis, ut obser-  
vat idem Gobat n. 294. De quo vi-  
deri

S. 3. De favoribus Anni Jubilæi. 81  
deri etiam potest Lorichius verbo  
Jubilæus Annus n. 6. 7. & 14. Vide &  
quæ dicimus P. 3. Sect. 14. q. 2. &  
seqq.

Quare Bonifacius VIII. in suâ Extravag. Antiquorum, quâ indicebat Annum Jubilæum, ait se non solum plenam, & largiorem, imò & plenissimam concedere veniam peccatorum. Interpretatus est autem Pontifex (ut Joannes Monachus Cardinalis qui aderat præsens, refert in Glossâ istius Bullæ) in Consistorio, hanc Indulgentiam adeò plenam, prout Clavium potestas se extendit.

Q. 2. An conferatur potestas absolvendi à censuris & casibus reservatis, & commutandi vota?

R. 1. Videtur probabile, siisse saltem ante Innocentium X. concessam istam potestatem, tum ex definitione Jubilæi allatâ P. 1. Sect. 1. q. 2. satis communiter receptâ: tum quod paulò autè nominatus Glossator Bullæ Bonifacii VIII. de Anno Jubilæo centesimo, clarè supponat datam potesta-

D 5 tem

tem in reservata: dicit enim, Quero,  
cui sufficit hoc casu confiteri etiam in iis,  
qua Sedi Apostolice vel Episcopis reservan-  
tur? Et antè de commutatione voto-  
rūm, sic habet: Dixit etiam Papa (con-  
sistorialiter) quod vota (excepto Hiero-  
salymitano, & ingressu Religionis) tollun-  
tur per hanc Indulgentiam. Concludit  
autem idem Pontifex: In hujusmodi  
præsenti, & quolibet centesimo secutum  
anno, non solum plenam & largio-  
rem, imò plenissimam omnium suorum  
concedemus & concidimus veniam pecca-  
torum: id est, ut ipsemet declaravit,  
ad eō plenam, prout Clavium potestassi  
extendit. Ergo absolutio à reser-  
vatis, & commutatio votorum po-  
tuit obtineri Jubilæis postea securis:  
Declaratio siquidem authentica ex-  
tenditur ad omnes casus similes, et  
jam futuros, tanquam si lex ab ini-  
tio fuisset cum tali interpretatione  
promulgata. Authent. De raptis mu-  
lieribus.

Alia istius probabilis concessione  
 argumenta videri possunt apud Go-

batum

batum cap. 48. Propter quæ censuerunt non pauci , nec ignobiles Scriptores, inter quos Coriolanus Tr. de Casibus reserv. P. I. sect. 2. art. 10. dicens quod licet in Bullâ Annî Sancti 1600. edita à Clemente VIII. non ponentur nisi quod concederetur Indulgentia plenaria formâ Jubilæi; tamen Fideles omnes absoluti fuerint ab omnibus casibus & censuris, &c. Idem dicit Basilius v. Jubileus, edit. tertiani anni 1648. practicatum fuisse anno 1625. sub Urbano VIII.

Idem sentiunt Bonacina, De Indulg. q. 1. pu. 2. n. 5. Bossius, Lavorius, Castropalao §. & n. 5. Georgius de Rhodes, & alii, apud Gobatum n. 354. qui n. 357. asserit, lectum à se anno 1650. Libellum lingua italicâ conscriptum à viro Theologo, qui clarè asserebat permissam esse electionem Confessarii pro absolutione à quibusvis peccatis, & votorum commutatione.

R. 2. Videtur longè probabilius, imò ipsi Gobato n. 358. propemodùm certum, quod Innocentius X. non in-

tenderit lucraturis suum Jubilæum , aliud concedere quām plenissimam Indulgentiam, seu remissionem omnium pœnarum debitarum peccatis quoad reatum culpæ deletis. Mentem siquidem suam quoad hoc Innocentius satis declaravit, ut pater ex testimoniis & rescriptis plurium acceptis & relatis ab eodem Gobato : ex cuius Tractatu *De Indulgentiis* prius edito P. 2. c. 5. plura postquām retulit Diana p. 10. tr. 16. R. 5. sub med. sic loquitur : *Unde ex his Eminentissimus Dominus meus Cardinalis de Lugo, &c ego, in quodam Examine Episcoporum coram S. D. N. (Innocentio X.) rectè diximus, male quosdam Confessarios anno Jubilæi 1651. (imprimi debuit 1650. ) absque alio privilegio absolvisse à Casibus Papalibus, dispensasse in votis, &c. non enim habebant autoritatem hoc faciendo ex vi Jubilæi Anni Sancti. Hæc Diana.*

Quare concludit Gobat n. 364. Si contingat emanare pro Jubilæo futuri Anni 1675. Bullam omnino similem Innocen-

tia-

S.3. De favoribus hujus Jubilæi. 85  
tianæ, Urbanae, seu Urbani VIII. Cle-  
mentinæ, seu Clementis VIII. vix eva-  
surum temeritatis notam Confessarium  
qui sine ullâ declaracione Pontificiâ assu-  
meret jus in censuras, casus reservatos, &  
vota. Hæc ille in editione 1670.

In postremâ verò editione anni  
1681. Appendix post istum nume-  
rum 364. affert & exponit Notifica-  
tionem gratiarum, & declarationum  
factarum à S. D. N. Papâ Clemente  
X. occasione Jubilæi Anni Sancti  
1675. Fuit autem Notificatio, & con-  
sequenter concessio & declaratio re-  
rum inibi contentarum, facta mense  
uno post cœptum Jubilæum, scilicet  
1. Februarii 1675.

Porrò in illâ Notificatione, Sum-  
mus Pontifex concedit amplam faculta-  
tem Pœnitentiariis Basilicarum Sancti  
Petri, Sancti Pauli, S. Joannis Lateranen-  
sis, & S. MARIAE Majoris, & Parochis  
tam Secularibus, quam Regularibus, om-  
nium Parochiarum Romæ ( durante tamen  
Jubileo Anni Sancti ) absolvendi videlicet  
in ordine ad lucrandum præsens Jubilæum

( anni 1675. ) Fideles ab omnibus sententiis & censuris Ecclesiasticis, contra illos pronuntiatis, & fulminatis à sacris Canonibus, aut Judicibus , quacunque de causâ: & ab omnibus peccatis, & excessibus, ac delictis quantumcumque gravibus & enormibus: etiam à casibus reservatis non solum ab Episcopis, aut aliis à Prelatis inferioribus , verum etiam à Pontifice ipso, & à Sede Apostolica , etiam in Bullâ Cœna Domini , & in aliis quibuscumque Constitutionibus Summorum Pontificum, in foro conscientiae tantum: ut tamen Sua Sanctitas declareret se non intelligere aut dispensare, &c. Ita ut idem Pœnitentiarium & Parochi durante hoc Anno Jubilæi sancto, commutare omnia vota ( exceptis Caritatis & Religionis ) in alia opera pia, &c. possint.

Eandem facultatem pariter concedit Sua Sanctitas Confessariis Religiosis , Regularibus cuiuscumque Ordinis, &c. qui à Nobis, vel à nostro Vices-gerente sunt approbati, aut deinceps approbabuntur: imò & Religiosis Confessariis eadem datur facultas respectu sui Ordinis: & illu  
equè,

equè, qui modò Romæ versantur , quām illis, qui hoc sunt venturi, hoc Anno sancto, ad quem se extendit tantum hæc facultas. Hactenus verba istius Norificationis.

Ex illis confirmat Gobat quod antè dixit, in Bullâ Jubilæa Anni Sancti nihil hoc anno contigeret nisi indulgentiam; non verò implicitè aut explicitè potestatem eligendi Confessarium, qui absolvat à reservatis, & vota commutet. Nempe specialis illa concessio Clementis X. hoc satis demonstrat , ut Author ille doctè expedit.

Quocirca si Pontifex, Anno Sancto proximè futuro, simile quid non concedat; non erit facultas absolvendi à reservatis, aut vota commutandi, nisi penes eos, qui bus specialiter, ut affoler, concessa fuerit.

Q. 3. An possit sapienti obtineri hec Jubilæa indulgentia?

R. Affirmative; toties, quoties ab anno præstantur opera præscripta. Navarrus Notab. 32. n. 46. &c. Notab.

22 P. 2. De Jubilao Anni Sandi.

34. n. Et licet Filliuciustr. 8. n. 278.  
referat Clementem VIII. respondisse , semel tantum posse obtineri ( de  
quo vide P. 3. sect. 2. q. 7. ) tamen ad-  
huc affirmarunt Zecchius libro edito  
anno 1601. De Indulg. & Jubil. c. 4. n.  
8. Lorichius n. 23. vers. Duodecimò, cum  
Benzonio; Bonacina De Indulg. q. 1.  
pu. 2. n. 5. fine, dicens ita declaravisse  
Summum Pontificem Urbanum  
VIII. Castropalao pu. 12. §. 1. n. 6.  
Gobat n. 403. dicens id plerosque  
Authores tradere.

## SECTIO IV.

### DE SUSPENSIONE INDULGENTIARUM ET FACULTATUM, PER ANNUM SANCTUM.

**S**olent Pontifices, cum publicatio-  
ne Anni Sancti, ferè simul publi-  
care suspensionem Indulgentiarum  
& quarumdam facultatum, ut Popu-  
lus Christianus magis excitetur ad  
visitanda limina Apostolorum, alia-  
que